

ა(ა) ი პ
საქართველოს ტექნიკური უნივერსიტეტი
ბ რ ძ ა ნ ე ბ ა

19.11.2012 № 155
თბილისი

სტუ-ს წყალთა მეურნეობის ინსტიტუტის მეცნიერ-თანამშრომელთა
თანამდებობის დასაკავებლად ღია კონკურსის გამოცხადების შესახებ

„უმაღლესი განათლების შესახებ“ საქართველოს კანონის 22-ე მუხლის,
„მეცნიერების, ტექნოლოგიების და მათი განვითარების შესახებ“ საქართველოს
კანონის, საქართველოს ტექნიკური უნივერსიტეტის წყალთა მეურნეობის
ინსტიტუტის დებულების და ინსტიტუტის დირექტორის 2012 წლის 15 ნოემბრის
№01-15-227 წერილის საფუძველზე

ებრძანებ:

1. გამოცხადდეს, საქართველოს ტექნიკურ უნივერსიტეტის წყალთა მეურნეობის ინსტიტუტის მეცნიერ-თანამშრომელთა თანამდებობის დასაკავებლად ღია კონკურსი.
2. კონსურსი ჩატარდეს 2012 წლის 24 დეკემბერს.
3. კონკურსში მონაწილეთა განაცხადების მიღება დაიწყო 2012 წლის 20 ნოემბერს და დასრულდეს 2012 წლის 20 დეკემბერს. საბუთები მიიღება საქართველოს ტექნიკური უნივერსიტეტის წყალთა მეურნეობის ინსტიტუტში. (მის: ი. ჭავჭავაძის გამზ. №60. IV სართული, ოთახი №423), 10 საათიდან – 17 საათამდე, (შაბათ-კვირისა და უქმე დღეების გარდა).
4. დანართი №1-ს შესაბამისად დამტკიცდეს მეცნიერ-თანამშრომლის თანამდებობის დასაკავებლად გამოცხადებული კონკურსისათვის საკვალიფიკაციო მოთხოვნები და კონკურსისათვის წარმოსადგენი დოკუმენტების ჩამონათვალი.
5. განცხადება კონკურსის ჩატარების შესახებ, დადგენილი წესის შესაბამისად გამოქვეყნდეს პრესაში და განთავსდეს უნივერსიტეტის ოფიციალურ ვებ გვერდზე;
6. ბრძანება ძალაშია ხელმოწერის დღიდან.

რექტორი



ა. ფრანგიშვილი

ვიზა:
იურიდიული დეპარტემენტის
უფროსი

ბ. მაისურაძე



საქართველოს ტექნიკური უნივერსიტეტის წყალთა მეურნეობის ინსტიტუტის მეცნიერ-თანამშრომლის თანამდებობის დასაკავებლად გამოცხადებული კონკურსის საკვალიფიკაციო მოთხოვნები და კონკურსისათვის წარმოსადგენი დოკუმენტების ჩამონათვალი

1. წყალსამეურნეო ობიექტების მოდელირების განყოფილება

- უფროსი მეცნიერ-თანამშრომელი - 0,5 საშტატო ერთეული - სპეციალობით ინჟინერ-ჰიდროტექნიკოსი, ჰიდროლოგიური პროცესების ჰიდრაულიკური მოდელირების მიმართულებით (დოქტორი, დოქტორის აკადემიური ხარისხის ან მასთან გათანაბრებული სამეცნიერო ხარისხის მქონე პირი);
- უფროსი მეცნიერ-თანამშრომელი - 0,5 საშტატო ერთეული - სპეციალობით ინჟინერ-ჰიდროტექნიკოსი, მელიორაციის დარგის მიმართულებით (დოქტორის აკადემიური ხარისხის ან მასთან გათანაბრებული სამეცნიერო ხარისხის მქონე პირი);

2. ზღვებისა და წყალსატევების განყოფილება

- მეცნიერ-თანამშრომელი - 0,5 საშტატო ერთეული - სპეციალობით ქიმიკოსი, გარემოს დაცვა (დოქტორის აკადემიური ხარისხის ან მასთან გათანაბრებული სამეცნიერო ხარისხის მქონე პირი).

კონკურსში მონაწილეობის მიღების მსურველმა საკონკურსო განცხადებას თან უნდა დაურთოს:

- ა) განმცხადებლის პირადობის დამადასტურებელი მოწმობის ასლი;
- ბ) ავტობიოგრაფია (CV);
- გ) კადრების მიერ დამოწმებული შრომის წიგნაკის ქსეროასლი;
- დ) უმაღლესი სასწავლებლის დამთავრების, დოქტორის აკადემიური ხარისხის ან მასთან გათანაბრებული სამეცნიერო ხარისხის დამადასტურებელი დიპლომის ასლი;
- ე) გამოქვეყნებულ შრომათა ნუსხა ბოლო 10 წელში (დამოწმებული);
- ვ) ერთი სამეცნიერო ნაშრომი, რომელიც სრულად წარმოაჩენს ავტორის სამეცნიერო მიმართულებას;
- ზ) სამეცნიერო საგრანტო პროექტებში მონაწილეობა ბოლო 5 წელში (ჩამონათვალი);
- თ) პატენტების, საავტორო მოწმობების, ლიცენზიების, დანერგვის აქტების და სხვ. ჩამონათვალი ბოლო 5 წელში.
- ი) შესაბამისი დარგის ერთი მეცნიერის რეკომენდაცია (საკონტაქტო ინფორმაცია).